

# Канон пред Серафимо-Дивеевской иконой Пресвятой Богородицы «Умиление» («Всех радостей Радость»)

Празднуем 19 июля (1 августа) и 28 июля (10 августа)

Тропарь, глас 4-й

К Богородице со умилением припадём, вси, грехми обременении, чудотворную Ея икону Умиления облобызающе и вопиюще со слезами: Владычице, прими моление недостойных раб Твоих и подаждь нам, просящим, велию Твою милость.

## Канон, глас 4-й

Песнь 1

*Ирмос:* Отверзу уста моя, и наполнятся Духа, и слово отрыгну Царице Матери, и явлюся, светло, торжествуя, и воспою, радуясь, Той чудеса.

*Припев:* Пресвятая Богородице, спаси нас.

Умилися, умилоствися, умилосердися, Владычице, на мя, грешного и недостойного раба Твоего, дерзающего воспети Твоя чудеса.

Пресвятая Богородице, спаси нас.

Мати Божия Пречистая, не отрини мене, окаянного и нечистого, дерзающего пети Твоя чудеса, Умиление.

Слава: Инаго прибежища и теплаго предстательства к Сыну Твоему и Богу нашему не имам, Всепетая, темже сподоби мя, многогрешного, восхвалити Твоя чудеса.

И ныне: Леностию одержимь и страстми обуреваемь есмь аз, неключимый раб Твой, Владычице, недоумео по достоянию восхвалити и прославити Твоя чудеса.

Песнь 3

*Ирмос:* Твоя песнословцы, Богородице, Живый и Независтный Источник, лик себе совокупльшия, духовно утверди, в Божественней Твоей славе венцев славы сподоби.

Пресвятая Богородице, спаси нас.

Един аз, окаянный, житием согреших паче всех человек, Пречистая, но, на щедроты Твоя уповая, зову: душевного мя умиления сподоби.

Пресвятая Богородице, спаси нас.

Никтоже, прибегаяй с верою под Божественный Покров Твой, Владычице, тощ от Тебе исходит, темже и аз, многогрешный, дерзая, зову: Божественного мя умиления сподоби.

Слава: Иаков, лествицу Божественную виде, рече: степень Божия сия, Яже еси Ты, Препетая; темже молю Тя: благо восхождения к добродетели и мене,

люте недостойнаго, сподоби.

И ныне: Юже всем благопослушную в скорбех и обстояниих душевных и телесных яви Тя Господь, Богородице Благая, тако и мне, люте обуреваемому страстьми безместными, слезы умиления подаждь и Твоего, Дево, Матерняго заступления сподоби.

Господи, помилуй (*трижды*).

#### Седален, глас 5-й

Превыдоша главу мою греси мои, Владычице, осквернен ими есмь, и несть исцеления в плоти моей, но Ты, Многоблагодарная, даруй души моей слезы покаяния на очищение скверн греховных и телесных недугов врачууй, Врача всяческих и Господа рождающая.

Слава, и ныне: Раны душевные привлекоша на мя и болезни телесные, Владычице, но Ты, яко Премилостивая, обою исцели, подаваящи мне неоскудный дар духовного умиления, и да непрестанно славлю Твое всемогущее заступление.

#### Песнь 4

*Ирмос:* Седяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: слава, Христе, силе Твоей.

Пресвятая Богородице, спаси нас.

Идеже осенит благодать Твоя, Владычице, тамо всякая скорбь потребляется, веселие же водворяется, еже и мене, недостойнаго, сподоби, вопиюща: радуйся, Богородице, всех радостей Радосте.

Пресвятая Богородице, спаси нас.

Слез не имам, окаянный аз, ниже душевного умиления, но Сама, яко Милосердая, сия ми подати благоволи, да зываю: радуйся, Дево Пречистая, всех радостей Радосте.

Слава: Немошна мя суща и окаянна струпы греховными, врачууй, Пречистая, милосердия Твоего елей изливающи, и воздвигни пети Тебе: радуйся, Владычице, всех радостей Радосте.

И ныне: Омрачися умом в житейских сладетех, но Ты, Владычице, свете помраченныя души моея, разгони тьму страстей моих, да просвещся Тобою, вопию: радуйся, Невесто Невестная.

#### Песнь 5

*Ирмос:* Ужасошася всяческая о Божественной славе Твоей, Ты бо, Неискусобрачная Дево имела еси во утробе над всеми Бога и родила еси Безлетнаго Сына, всем воспевающим Тя мир подавающая.

Пресвятая Богородице, спаси нас.

Доколе поносит враг и низлагает долу мя, немощнаго и разслабленнаго люте душею и телом: умилися, Владычице, и низложи борющих мя врагов, Всепетая, души моей мир подавающи.

Пресвятая Богородице, спаси нас.

Вышши всех Ангел и Архангел явилася еси, Чистая Богоотроковице, темже молю Тя, стрелы вражия, на мя изошрениыя, сокрушити, душе мир подавающи.

Слава: Доколе, душе моя, пребываеши в прегрешениих, конца не имущи

грехóвному обы́чаю, возни́кни из глубины́ зол, взира́ючи держа́вному заступле́нию Пречи́стыя, всегда́ на по́мощь тебе́ ско́рбя и благода́тию Своёю мир ду́ш и те́лу подава́ющия.

И ныне: Ра́дость, и весе́лие, и ра́дование Божество́нное, Де́во Неискусому́жная, нам умно́жися Бо́жие: се бо, пла́чущиися лю́те, ра́дуемся моли́твами Тво́ими.

## Песнь 6

*Ирмос:* Божество́нное си́е и всечестно́е соверша́юще пра́зднство, Богому́дрии, Богома́тере, прииди́те, рука́ми воспле́щим, от Нея́ ро́ждшагося Бо́га сла́вим.

Пресвята́я Богоро́дице, спаси́ нас.

Ра́дости Божество́нного вели́чия, я́ко от нача́ла нам весе́лия, благодарéния гласы́ прино́сим, приле́жно почита́юще Ю, я́ко Предста́тельница на́шу.

Пресвята́я Богоро́дице, спаси́ нас.

Досто́йно Ти песнь ра́дования, Чи́стая Де́во, веселя́щися, прино́сим, избавльшися от бед Тво́ими моли́твами.

Слава: Ангельстии я́зыцы досто́йно Твоя́ хвалы́ воспéти не мо́гут, Чи́стая, мы же ны́не, ра́бски взёмшися, ра́дование Гаври́лово прино́сим Ти.

И ныне: Я́ко Божество́нное прибе́жище, мы покрóв Твой вси стяжа́вше к Бо́гу, в напáстех, и в гонéниях, и гресéх к Тебе́ прибега́ем и Тобо́ю изменéние приéмлем, Пречи́стая.

Господи, помилуй (*трижды*). Слава, и ныне:

### Кондак, глас 3-й

Ю́же подража́я непло́дную смоко́вницу, аз, окаянный, умилéния плода́ отню́д не прино́шу и посечéния стра́шуся, но, взира́я к чудотворней ико́не Твое́й Умилéния, Влады́чице, стени́ от се́рдца и вопи́ю: умилíся, Благосе́рдая, и мне, окаменéнному се́рдцем, благоволи́ подати́ душе́вное и се́рдéчное умилéние.

### Икос

Превзыдо́х грехи́ моими́ блудни́цу, и блуднаго, и мытаря́, и разбо́йника, и ниневитяны, аз еди́н, окаянный па́че всех человек, и, лиш́ився благода́ти и дерзнове́ния ко Го́споду, стени́ от се́рдца и вопи́ю: Тя Ходатаи́цу и Споручни́цу спасéния многогрéшней ду́ши моéй благосотвори́, подаю́щи ми душе́вное и се́рдéчное умилéние.

## Песнь 7

*Ирмос:* Не послужи́ша тва́ри Богому́дрии па́че Созда́вшего, но, о́гненное прещéние му́жески попра́вше, ра́довахуся, пою́ще: препéтый отце́в Го́сподь и Бог, благословéн еси́.

Пресвята́я Богоро́дице, спаси́ нас.

Ре́ку неисчерпа́емую ми́лости Твоея́ к грéшным всем, Влады́чице, излива́еши, те́мже молю́: напои́ мою́ жа́ждущую ду́шу и иссо́хшее грехи́ се́рдце моё́ ороси́, да, благословя́, воспую́: препéтый отце́в Го́сподь и Бог, благословéн еси́.

Пресвята́я Богоро́дице, спаси́ нас.

Я́же всем благопослу́шная в ско́рбех и обстоя́ниях душе́вных и телéсных, Влады́чице, не отвéржи и мене́, недосто́йнаго, но сподо́би пéти: отце́в Го́сподь

и Бог, благословен еси.

Слава: Не отри́ни, Богоро́дице, мене́, уязвлѣннаго совѣтом зми́иным, не возгнуша́ся мене́, смра́днаго грехи́ мно́гими, но сподоби́ всегда́ пѣти: отцевъ Господь и Бог, благословен еси́.

И ныне: Егда́ престόли на Суд поставя́тся и Суди́щу Христо́ву предстанут вси земноро́днии, то́щи яви́ мне, Влады́чице, Ма́тернее Твое́ заступле́ние и неоску́дную по́мощь, вопио́щу: отцевъ Господь и Бог, благословен еси́.

## Песнь 8

*Ирмос:* Отроки благочестивыя в пещи́ Рождество́ Богородичо спасло́ есть; тогда́ убо образу́емое, ны́не же де́йствуемое, вселѣнную всю воздвиза́ет пѣти Тебе́: Го́спода по́йте, дела́ и превозносите́ Его́ во вся ве́ки.

Пресвята́я Богоро́дице, спаси́ нас.

Страха мя изба́ви, о Влады́чице, злобы́ и возду́шных мыта́рств. Покажи́ на мне, недостой́нем, ве́лию ми́лость Твою́, воспева́ющем: Го́спода по́йте, дела́, и превозносите́ Его́ во вся ве́ки.

Пресвята́я Богоро́дице, спаси́ нас.

Иза́ви мя, Пренепоро́чная, озлобле́ния злыхъ челове́ков и лука́вых бесо́в, трепещутъ бо́ имене́ Твоего́ вели́каго, я́ко дымъ исчеза́ют; мене́ же в уми́лении се́рдца сподоби́ пѣти: Го́спода по́йте, дела́, и превозносите́ Его́ во вся ве́ки.

Слава: Те́мныя вла́сти кня́зя, всегда́ борю́щаго мя, немощна́го и уны́лаго, разжѣ́нныя стрѣлы́ угаси́, Всепе́тая, и сподоби́ мя благода́рственно воспева́ти: Го́спода по́йте, дела́, и превозносите́ его́ во ве́ки.

И ныне: Пѣ́ние моё́ приими́ убо́гое, Всеми́лостивая Госпоже́ Де́во, Влады́чице Богоро́дице, Ма́терним Твои́м милосе́рдием покрыва́ющи пою́щия: Го́спода по́йте, дела́, и превозносите́ Его́ во вся ве́ки.

## Песнь 9

*Ирмос:* Всяк земноро́дный да възгра́ется, Ду́хом просвеща́емъ, да торжествуетъ же Безплотныхъ умо́в естество́, почита́ющее свяще́нное торжество́ Богома́тере, и да вопи́ет: ра́дуйся, Всеблаже́нная Богоро́дице, Чи́стая Присноде́во.

Пресвята́я Богоро́дице, спаси́ нас.

Егда́ изнемога́ти крѣпости моё́й во исхо́де души́ моё́й грѣшней от ока́яннаго и скверна́го сегó телесе́, тогда́ наипа́че яви́ на мне, недостой́нем, крѣпкую мы́шцу Твою́, Всеблагая́, даждь в часъ сме́рти моёя́ ра́достно зыва́ти Тебе́: ра́дуйся, Всеблаже́нная Богоро́дице, Чи́стая Присноде́во.

Пресвята́я Богоро́дице, спаси́ нас.

Нищ и убо́г есмь от делъ бла́гих, не имѣ́й уми́ления душе́внаго, Преми́лостивая, Ты Сама́ да́рствуй ми, да благода́рственно вопи́ю: ра́дуйся, Всеблаже́нная Богоро́дице, Чи́стая Присноде́во.

Слава: Иссо́пом милосе́рдия Твоего́ окропи́ мя, Пречи́стая, да очи́щуся от тяжкихъ и лю́тых беззаконі́й мои́х и во уми́лении души́ да зыва́ю от се́рдца: ра́дуйся, Всеблаже́нная, Чи́стая Присноде́во.

И ныне: Еже помы́слих в души́ моё́й, по си́ле принесо́х пѣ́ние Тебе́, Влады́чице, не отри́ни убо́ обы́чным Твои́м милосе́рдием и не омерзи́ мно́ю, многогрѣ́шным и нечи́стым, но сподоби́ всегда́ во уми́лении пѣти Тебе́: ра́дуйся, Всеблаже́нная Богоро́дице, Чи́стая Присноде́во.